



DIARIO

E MATUTINO DI ARUBA

JUEZ A
ANULA
DOS
MATRIMONIO

DIASABRA 21 JANUARI 1989 ABONADO PA LUNA 15.00 FLS* PA EJEMPLAR 0,60* AÑA 8/No. 2984

JUANCHO KOCK "UN BIAHA MAS" REY DI TUMBA



ORANJESTAD (AAN) - Awe marduga 5or e festival di tumba a termina. Un vez mas Juancho Kock a logra e titulo maximo Rey di Tumba cu e tremendo tumba "Un Biaha Mas" acompaña pa Grass Hopper Band. Tabata e ultimo cantante cu a presenta awe marduga di e 38 cu a cuminsa ayera nochi.

No por keda sin menciona cu di e 38 tumba nan, por menciona cu 10 tabata ariba un nivel hopi halto.

E publico grandi a biba cu cierto tumbanan tremendo. Tabata tin varios cantante cu a cay den finalista tabata candidato fuerte pa e titulo Rey di Tumba, pero ora cu Juancho cu tabata e ultimo cantante cu a canta e tremendo tumba cu no a laga ningun duda "Un Biaha Mas" Juancho mes ta e compositor y areglista Federico Martis.

Juancho a logra su di 8 titulo Rey di Tumba cu sin duda ta un record.

Juancho a gana e titulo cu 1798 punto. Na di dos lugar Chicho Kock cu 1689 punto. Na di Tres lugar Didi Wernet cu 1682 punto. Na di Cuatro lugar Ito Dania 1646 punto. Na di cinco lugar Tatoo 1568 punto. Na di seis lugar Carla Del Dia 1548 punto. Di siete lugar Oslin Trimon cu 1546 punto.

Cantante mas popular Didi Wernet.

Ariba e grafico e Rey di tur tempo Juancho Kock despues di a ricibi su trofeo for di Joy Kock y Edwin Zichem, y di Leo Tromp Instituto di Cultura.

Un palabra di Pabien na Juancho Kock cu su titulo Rey di Tumba y alavez na tur e finalistanan.